

# RIEHTIMINISTERIÖ

## TIEDEET

27.6.2019

### **Äigitavlu ij addel máhđulášvuodâ sirded sâmitiggevaaljâid**

Uáiviminister Rinne haldâttâsohjelm mielđ čielgâdeh jotelis äigitavluin sâmitiggevaaljâi ááigán lahtojejee koččâmuš. Čielgâdem já ovdâskode äigitaavlui vuáđuld puáhtá kuittâg uáiniđ, ete čohčâmáánust toollâmnáál sâmitiggevaaljâid ij pyevti innig sirded.

Koččâmuš sâmitiggevaaljâi máhđulii sirdemist lahtoo OA olmoošvuoigâdvuotâkomitea 1.2.2019 almostittem čuávdusáid. Komitea keejâi Suomâ luávkkám OA siivii- já poolitlijd vuoigâdvuodâid kyeskee almossopâmuš sâmitige valjâluvâttâlmân vâldim kuáskám vâidimaašijn. Olmoošvuoigâdvuotâkomitea tiáduťij čuávdusijnis sâmmilij jiešmeridemvuoigâdvuodâ jieijâs sajaduv já siärvus jeessânvuodâ kuáttá.

Haldâttâsohjelm miäldásávt haldâttâs kunnijât já oovded puoh sâmmilij já sâmmilâšjuávhui kielâlij já kulttuurlij vuoigâdvuodâi olášuttem vâldimáin huámášumán almugijkoskâsijd sopâmušâid. Taan pargo uáassin čielgâdeh ILO 169 -sopâmuš ratifisistem iävtuid, juátkih sâmitiggelaavâ uđâsmitempargo sehe pargeh tuotâvuotâ- já sovâdâttâmkomissio algâtem oovdân. Haldâttâs äigumuššân lii juátkiđ dialog sâmitiggijn sâmitiggelaavâ uđâsmitem já eres sâmmiláid lahtojejee hahhui oovdedem ooleest.

- Sâmmiliih láá vuáđulaavâ mielđ algâalmug, já sijjân kulá algâaalmugsajadâhân lahtojejee vuoigâdvuotâ leđe jieš mielđ vaaigutmin sijjân kyeskee aššijd, riehtiminister **Anna-Maja Henriksson** tiáduť.

Sâmitigge lii keččâm, ete čohčâmáánu 2019 sâmitiggevaaljâid ličij kolgâm sirded, vâi lahâasâtem puávtáččij peividiđ já návt karved uđđâ OA-sopâmušâi luávkkámijđ.

#### **Lasetiäđuh:**

spesiališedejee Otto Andersson puh. 0295 150 121, ovdânommâ.suhânommâ@om.fi

uásádâhhovdâ Johanna Suurpää, puh. 0295 150 534, ovdânommâ.suhânommâ@om.fi